

西北文學文獻

第十九卷

中國西北文獻叢書



中國西北文獻叢書·第六輯

西北文學文獻

第十九卷



目錄

烏魯木齊詩

三

清代西北竹枝詞輯存

八三

鴻雪草堂詩集

二〇一

半部論語齋

三三九

甲後吟草

三六七

馬魯木齋詩

史記卷一百一十五

烏魯木齊雜詩自序

余謫烏魯木齊凡二載鞅掌簿書未遑吟咏庚寅十二月

恩命賜環辛卯二月治裝東歸時雪消泥濘必夜深地凍而後行旅館孤居晝長多暇乃追述風土兼敘舊遊自巴里坤至哈密得詩一百六十首意到輒書無復詮次因命曰烏魯木齊雜詩夫烏魯木齊初西番一小部耳

神武耆定以來休養生聚僅十餘年而民物之蕃衍豐

撫至於如此此實一統之極盛昔柳宗元有言思報國
恩惟有文章余雖罪廢之餘嘗叨預承明之著作歌咏
休明乃其舊職今親履邊塞纂綴見聞將欲俾寰海內
外咸知

聖天子威德邇隆開闢絕徼龍沙蔥雪古來聲教不及
者今已爲畊鑿絃誦之鄉歌舞遊冶之地用以昭示無
極實所至願不但燈前酒下供友朋之談助已也辛卯
三月朔日河間舊史紀昀書

烏魯木齊雜詩

河間紀昀著

風土二十三首

山圍芳艸翠煙平迢遞新城接舊城
行到叢祠歌舞榭綠氍毹上看棊枰

城舊卜東山之麓觀御史議移今處以就水泉故地
勢頗卑登城北關帝廟戲樓城市皆俯視歷歷
壓肆鱗鱗兩面分門前官柳綠如雲夜深燈火人歸後
幾處琵琶月下聞

富商大賈聚居舊城南北二關夜市旣罷往往吹竹
彈絲云息勞苦土俗然也

萬家煙火暖雲蒸銷盡天山太古冰臘雪清晨題牘背
紅絲研水不曾凝

向來氣候極寒數載以來漸同內地人氣盛也

雲滿西山雨便來田家占候不須猜向來只怪東峯頂
曉日明霞一片開

雲滿西山卽雨城東博克達山之頂日出前必有彩
霞一片護其上別峯則否其理未喻

雪地冰天水自流溶溶直瀉葦湖頭殘冬曾到唐時壘
兩派清波綠似油

庚寅十二月至吉木薩勘唐時廢城水皆不冰瑪納
斯河亦不全凍皆以流急故也

百道飛流似建瓴陂陀不碍浪花鳴遊人未到蕭關外
誰信山泉解倒行

水流迅急能逆行越坂數重宋進士昱極以爲怪不
知來勢猛激故遇坎不能禦也

山田龍口引泉澆泉水惟憑積雪消頭白農夫年八十

不知春雨長禾苗
歲或不雨雨亦僅一二次
惟資水灌田故不患無田
而患無水水所不至皆棄地也
其引水出山之處俗謂之龍口

半城高阜半城低
城內清泉盡向西
金井銀牀無用處
隨心引取到花畦

城內水皆西流
引以澆灌
啟閉由人不假桔槔之力
界破山光一片青
溫瘴流水碧泠泠
遊人倘有風沂興
只向將軍借幔亭

溫泉在城北十餘里硫泉也上無屋覆浴必支帳
亂山倒影碧沉沉十里龍湫萬丈深一自沉牛蒼雲雨
飛流不斷到如今

博克達山有龍湫初苦田水不足遣使祀之水卽盈
溢

長波一瀉細涓涓截斷春山百尺泉二道河旁親駐馬
方知世有漏沙田

二道河初設屯兵百名後其田澆水輒涸如漏卮然
乃分移其兵於三台諸屯

南北封疆畫界勻雲根兩面翠嶙峋中間巖壑無人迹
合付山靈作守臣

山北屬烏魯木齊山南屬回部山中袤延深邃舊無
分界之處

雙城夾峙萬山圖舊號雖存舊址非孤木地旁秋草沒
降蕃指點尚依稀

烏魯木齊舊地在今城北四五十里約近孤木地屯
額魯特人能道之今地俗稱紅廟廟址在舊城之東
不知何代之廟因以名地亦不知始於何人也

峻坂連連疊七層層層山骨翠峻嶒行人只作鸞叢看
却是西蕃下馬陵

根忒克西北凡峻坂七重最爲險阨番人過之必肅
然下馬如見所尊未喻其故或曰畏博克達山之神
也

斷壁苔花十里長何年雄鎮控西羌金瓶舍利行人見
築塔當從阿育王

吉木薩東北二十里有故城週二十餘里街市譙樓
及城外敵樓十五處制度皆如中國城中一寺亦極

雄澗石佛半沒土中尚高數尺五徑尺餘尚有完者
相傳有行人于土中得一金管中有圓珠數顆攜往
奇台不知所終細詰其狀蓋浮屠所藏佛舍利耳額
魯特云是唐城然無碑誌可據庚寅十二月余與永
餘齊觀察奉檄往勘議增營壘於其地往來循視誠
舊鎮之餘址土中時露煙煤蓋火攻所陷也

古蹟微茫半莫求龍沙輿記定難收如何千尺青厓上
殘字分明認火州

哈拉火卓石壁上有古火州字不知何時所勒

南園即白楊河紫泥泉即白楊河回鶻荒塍尚宛然只恨秋風吹

雪早至今蔓艸冪寒煙

白楊河山口內有回部舊屯基址尚存約可百戶然
六七月往往降雪僅可種青稞故竟無墾種之者

城南風穴近山坳一片濤聲萬木梢相約春來牢蓋屋
夜深時捲數重茅

杞傳鄂倫拜星有風穴每聞城外林木聲如波濤不
半日風至矣動輒發屋脊月尤甚庚寅一歲較少減
驚飈相戒避三泉人馬輕如一葉旋記得移營千戍卒

阻風港汊似江船

三个泉風力最猛動輒飄失人馬庚寅三月西安兵
移置伊犁阻風三日不得行

良田易得水難求水到秋深却漫流我欲開渠建官牐
人言沙堰不能收

四五月需水之時水多不至秋月山雪消盡水乃大
來余欲建牐蓄水咸言沙堰淺隘牐之水必橫溢若
深濬其渠又田高於水水不能上余又欲濬渠建牐
而多造龍骨車引之入田衆以爲庶幾未及議而余